

XDP

1918-yil
21-iyundan chiqqan
boshlagan

№2, 2023-yil
18-yanvar,
chorshanba (32.748)

O'zbekiston OVOZI

Ijtimoiy-siyosiy gazeta

Barchaga g'amxo'rlik — davlatning burchi



**СИНГАПУР ЭРИШГАН
ИҚТИСОДИЙ
ВА ИЖТИМОЙ
МУВАФФАҚИЯТЛАРДА
ЧУҚУР ҲАМ
КАДРЛАР СИЁСАТИ,
МАЛАКАЛИ,
МАСЪУЛИЯТНИ ХИС
ЭТГАН ВА ҲАЛОЛ РАҲБАР
КАДРЛАРНИ ТАЙЁРЛАШГА
УСТУВОР, ЭЪТИБОР
МУҲИМ ҲАМ ТУТГАН.**

Ўзбекистон Президенти Ли Куан Ю номидаги мактабга ташриф буюрди ва Сингапурнинг ишбилармон доиралари билан учрашув ўтказди

17 январь кунининг иккинчи ярмида Ўзбекистон Республикаси Президенти Шавкат Мирзиёев Сингапурга давлат ташрифи доирасида жаҳоннинг етакчи олий таълим муассасаларидан бири бўлган Сингапур миллий университети ҳузурдаги Ли Куан Ю номидаги Давлат сиёсати мактабига ташриф буюрди.

Сингапурнинг биринчи Бош вазири ва ушбу мамлакат "иқтисодий мўъжизаси" муаллифи Ли Куан Ю шарафига номланган мактаб давлат сиёсати ва халқаро муносабатлар соҳасида таълим маънасидаги дастурлари асосида кадрлар тайёрлашга, илмий ва сиёсий тадқиқотлар ўтказишга ихтисослашган.

Қатор йиллар давомида мактаб олий таълим муассасаларининг халқаро рейтингларида етакчи ўринларни эгаллаб келмоқда. Бу ерда хорижий мамлакатларнинг юқори даражадаги мансабдор шахсларини ўқитиш учун қисқа муддатли дастурлар ҳам ташкил этилган.

Маълумки, Сингапур эришган иқтисодий ва ижтимоий муваффақиятларда чуқур ўйланган кадрлар сиёсати, малакали, масъулиятни ҳис этган ва ҳалол раҳбар кадрларни тайёрлашга устувор эътибор муҳим ўрин тутган. Мамлакатимиз етакчиси ҳам ўз фаолиятининг бошиданок ушбу масалаларга алоҳида эътибор қаратиб келади. Шу маънода, Сингапурнинг давлат хизматчиларини тайёрлаш соҳасидаги тажрибасини ўрганиш ва қўллаш катта аҳамиятга эга.

Давлатимиз раҳбари мактаб фаолияти билан батафсил танишиб, ўқув муассасаси раҳбарияти билан икки томонлама ҳамкорлик истиқболларини муҳокама қилди.

Ўзбекистон Президенти ҳузурда Ўзбекистон Давлат бошқаруви академияси ва Ли Куан Ю номидаги Давлат сиёсати мактаби ўртасида ҳамкорлик тўғрисида битим имзоланган маросими бўлди.

Сўнг Президентимиз Сингапурнинг етакчи компания ва ташкилотлари раҳбарлари билан учрашув ўтказди.

Тадбирда Сингапур меҳнат вазири – савдо ва саноат иккинчи вазири Ленг Си Танг, Сингапур бизнес федерацияси

раиси Минг Ян Лим, ушбу мамлакатнинг Indorama, Meinhardt group, CPG Corporation, Changi Airports, Сингапур менежментни ривожлантириш институти, TMC Academy, Virtus Health каби 15 та йирик компаниялари раҳбарлари иштирок этди.

Президент Шавкат Мирзиёев учрашув иштирокчиларини қўлаб, унинг янги 2022 йилдаги илк ташрифи айнан Сингапурга бўлаётгани Ўзбекистоннинг ушбу мамлакат билан мустақам ва ўзаро манфаатли муносабатларни йўлга қўйишга алоҳида эътиборидан далолат эканига эътибор қаратди.

Ўртимиздаги тизимли ислохотлар туфайли инвестициялар ҳажми ЯИМнинг 30 фоизидан ортиқ даражага етди. 2022 йилнинг ўзида Ўзбекистон иқтисодиётига 8 миллиард доллар тўғрисида тўғри хорижий инвестициялар жалб қилинди.

Куни кеча ўтган Ўзбекистон-Сингапур бизнес форумининг натижалари мамнуния билан қайд этилди: унинг доирасида умумий қиймати қарийб 5 миллиард долларлик янги инвестиция, савдо ва молиявий келишувлар имзоланди.

- Бу ҳамкорлигимиз анча фаоллашганидан, муваффақиятли кечаётганидан, Ўзбекистон-Сингапур муносабатлари амалий ва сифатли мазмун билан бойиганидан далолат беради, - деди Президентимиз. Лекин шериклик салоҳияти ҳали тўлиқ ишга солинмаган. Президент Шавкат Мирзиёев таъкидлаганидек, мамлакатларимиз икки томонлама ҳамкорликни янада кенгайтиришга қодир.

- Сингапур компанияларининг илғор тажрибаси бизда катта қизиқиш уйғотмоқда, - деди давлатимиз раҳбари. - Ишончим комилки, сингапурлик ҳамкорларнинг инновация ва технологиялари Ўзбекистоннинг ресурслари ва кадрлар салоҳиятига қўшилса, бўлажак қўшма лойиҳалар барқарор ривожланади.

Ўзбекистон етакчиси узоқ муддатли ва ўзаро манфаатли ҳамкорлик учун энг истиқболли йўналишларни кўрсатиб ўтди. Сингапур компанияларининг Ўзбекистондаги хусусийлаштириш жараёнларида иштироки, шаҳар ва транспорт инфраструктурасини ривожлантириш, кимё ва

тўқимачилик, "яшил" иқтисодиёт, таълим, соғлиқни сақлаш ва бошқа йўналишлардаги қўшма лойиҳаларни амалга ошириш шуллар жумласидан.

Ўзбекистон Сингапур тадбиркорларини зарур ишлаб чиқариш инфратузилмаси билан таъминлаш, имтиёзлар ва кафолатли харидлар шаклида кенг қўллаб-қувватлаш, бошқа кўмак чораларини тақдим этишга тайёр экани билдирилди.

Ўртимиздаги ислохотлар хорижий ҳамкорлар орасида Ўзбекистоннинг ишончли ва барқарор шерик сифатидаги мавқеини мустаҳкамлашга қаратилганини таъкидлаб, Президент Шавкат Мирзиёев сингапурлик ишбилармонларни ўзаро манфаатли ҳамкорлик учун очилаётган имкониятлардан фойдаланиш ва иқтисодиётимизга фаол инвестиция киритишга чақирди.

Шерикликни кенгайтириш юзасидан батафсил фикр алмашилди. Сингапур бизнеси вакиллари ўз чиқишларида Ўзбекистонда амалга оширилаётган иқтисодий ислохотларни юксак баҳолади, мамлакатимизда амалга оширилиши режалаштирилган аниқ лойиҳаларини тақдимот қилди.

Ишбилармонлар делегациясининг ҳар бир аъзоси билан суҳбатлашиб, давлатимиз раҳбари тадбиркорларни яратилган қулай инвестиция муҳити билан шахсан танишиш учун мамлакатимизга таклиф қилди.

Учрашув якунида Ўзбекистон томони мутасаддиларига тадбирда айтилган барча лойиҳаларни, уларни амалга оширишнинг босқичма-босқич механизмларини, аниқ муддат ва ижрочиларини киритган ҳолда тегишли Амалий чора-тадбирлар режасини ишлаб чиқиш ва тасдиқлаш топширилди.

Шу билан Ўзбекистон Республикаси Президенти Шавкат Мирзиёевнинг Сингапурга самарали давлат ташрифи якунига етди.

"Чанги" халқаро аэропортида олий мартабали меҳмонни Сингапурнинг расмий шахслари кузатиб қўйди. Давлатимиз раҳбари Тошкентга жўнаб кетди.

Ўзбекистон Республикаси Президентининг расмий веб-сайтидан олинди.



ПАРЛАМЕНТГА ҚАЧОН?

4 САҲИФА



"ГЛОБАЛ ЖАНУБ ОВОЗИ"ДА ЎЗБЕКИСТОН ОВОЗИ

5 САҲИФА


7 МУҲИМ ВОҚЕА

6 САҲИФА

REKLAMA O'RNIDA

МУҚАДДАС КИТОБЛАРДА КЕЛТИРИЛИШИЧА, БАХТ-САОДАТГА ЭРИШМОҚЛИКНИНГ ЭНГ МУҲИМ ЖИХАТЛАРИДАН БИРИ ОТА-ОНАНИНГ ДИЛБАНДИГА ЭЗГУ ДУОСИ ВА УЛАРНИНГ ФАРЗАНДИДАН РОЗИЛИГИДИР. ОТА-ОНАЛАРНИНГ ДУОЛАРИ ФАРЗАНДГА ЕТАДИГАН БАЛО-ОФАТЛАРДАН САҚЛОВЧИ ҚЎРҒОН БЎЛСА, РОЗИЛИГИ ЖАННАТДИР.

ДАРҲАҚИҚАТ, ФАРЗАНДНИНГ ОТА-ОНАНИНГ РОЗИЛИГИНИ ОЛИШГА ИНТИЛИШИ БАРЧА ФАЗИЛАТЛАРНИНГ ЭНГ УЛУҒИДИР, ДЕСАК ЯНГЛИШМАГАН БЎЛАМИЗ. ДАЙТИШ КЕРАККИ, ЮРТИМИЗДА БУНДАЙ ИНСОНЛАР КЎПЛАБ ТОПИЛАДИ. БУГУНГИ МАҚОЛАМИЗ ҚАҲРАМОНИ БЎЛГАН АКБАРХОН НАСРИТДИНХЎЖАЕВ АНВАР ЎҒЛИ ҲАМ ОТА-ОНАСИНИНГ ДУОЛАРИНИ ОЛИБ, ЭЛ-ЮРТГА МУНОСИБ ХИЗМАТ ҚИЛИБ КЕЛАЁТГАН ФАЗИЛАТЛИ ИНСОНЛАРДАН.



ТАРАҚҚИЁТГА ҲИССА ҚЎШМОҚ САОДАТИ



... Дадасига ўхшаб халқ хизматида бўлиш зиёли ва обрў-эътиборли хонадонда туғилиб вояга етган Акбархоннинг болалик орзуси эди. Ана шу орзу уни доим юксак мақсадлар сари чорлади: кучли билим олишга ва дадасига муносиб издош бўлишга ҳаракат қилди. 2010 йилда Тошкент давлат иқтисодиёт университетида ўқишга кирди ва 2014 йилда ушбу университетнинг иқтисод факультетини муваффақиятли тамомлади.

— Оиламизни иқтисодчилар оиласи десак, ҳеч адашмаган бўламиз, — дейди биз билан суҳбатда Акбархон Насритдинхўжаев. — Чунки ота-онам, опам, акам, мен ушбу олий таълим даргоҳининг иқтисод факультетини тахсил олганмиз. Ўзаро суҳбатимиз ҳам иқтисод ҳақида бўлади. Дадамни кўпчилик кучли мутахассис, иқтисодчи сифатида яхши билишди ва бундан жуда фахрланамиз. Дадам Анвар Ғулмуҳаммадов турли вазирликларда масъул лавозимларда фаолият олиб борган. Онам Нигорахон Ғулмуҳаммадова билан доимо фарзандларининг таълим-тарбиясига эътибор қаратиб, зиёли, билимли инсонлар бўлишимизни астойдил хоҳлашган. Яратганга шукр, бугун биз уларнинг орзусини ушалтириб, дуоларини олаяпмиз. Опам Қосимова Азизахон, акам Ғулмуҳаммадов Зиёдиллаҳон, кейинчалик мен Иқтисод факультетини тугатиб, олий маълумотли бўлган ҳолда

» **100 дан ортиқ иш ўрни яратилди. Сергели туманида 18 миллион АҚШ долларлик инвестиция ҳисобига хитойлик инвесторлар билан ҳамкорликда 1,09 гектар ер майдонида замонавий кўнгилочар савдо мажмуаси фаолиятини йўлга қўйдик.**

ҳозирда самарали фаолият олиб бораёпмиз.

Акбархон Насритдинхўжаев университетда тахсил олиш билан бирга, ўзи севган соҳада меҳнат қилди. Гап шундаки, у ярим иш ставкада Миллий банкнинг Яккасарой тумани филиалида фаолият олиб борди. 2016 йилгача бўлган даврда банк-молия соҳасида катта тажриба тўплади. Доимий изланишда бўлган суҳбатдошимиз билим-тажрибасини янада ошириш мақсадида 2016 йилда Хитойнинг Пекин шаҳридаги Халқаро бизнес ва Иқтисод университетининг магистратурасига ўқишга кирди. Шу билан бирга Хитой тараққиёти банкда малака оширди. Буларнинг барчаси ўз навбатида, унга янги имконият эшигини очди. 2018 йилдан буён хитойлик инвесторлар билан ҳамкорлик қилиб, қатор лойиҳаларни амалиётга муваффақиятли жорий этмоқда.

— Муҳтарам Президентимиз томонидан мамлакатимиз тараққиётининг ҳозирги босқичида инвестицияни жалб этишга жуда катта эътибор берилмоқда, — дейди суҳбатдошимиз. — Биз ҳам мана шу эътибордан руҳланган ҳолда фаолиятимизни самарали бир тарзда йўлга қўйиб келаяпмиз. Жумладан, пойтахтимизнинг Яккасарой туманида барча қулайликларга эга замонавий меҳмонхонани инвестиция киритиш орқали куриб, фаолиятини йўлга қўйдик. Шунингдек, Янгийўл туманида текстиль корхонаси ишга туширилиб, 100 дан ортиқ иш ўрни яратилди. Сергели туманида 18 миллион АҚШ долларлик инвестиция ҳисобига хитойлик инвесторлар билан бирга 1,09 гектар ер майдонида замонавий кўнгилочар савдо мажмуаси фао-

лиятини йўлга қўйдик. Чиройли ва охирги русумдаги жиҳозлар билан таъминланган, барча қулайликларга эга бўлган ушбу савдо мажмуасини барпо қилишдан аввал хитойлик энг кўзга кўринган лойиҳачи-дастурчилар билан ҳамкорликда ишлаб, лойиҳасини яратдик. Юртимиз иқлим шароити, келиб-кетувчиларга яратилган шароит — барчасини ҳисобга олдиқ ва ҳозирги мана шу энг сўнгги кўринишдаги ушбу мажмуани барпо қилдик. Савдо мажмуасининг курилиш ишларига 4 йил вақт кетди, лекин бу вақтга ачинмадик, чунки ҳар бир ишни сифатли бажардик ва Яратганга шукрлар бўлсинки, мустақкам ва жуда чиройли кўринишга келтириб ишни бошладик.

Суҳбатдошимизнинг айтишича, 2022 йилнинг июнь ойида иш бошлаган ушбу савдо мажмуасига кунига 10 мингга яқин мижоз келади. Мажмуада ҳамма мижозларга намунали ва сифатли хизмат кўрсатиш йўлга қўйилган. Савдо мажмуаси 5 қаватдан иборат бўлиб, биринчи қаватда майиш техника буюмлари савдоси йўлга қўйилган. Иккинчи қават ҳорижий давлатлардан келтирилган ва маҳаллий ишлаб чиқариш маҳсулотлари бўлган, оналаримиз, опа-сингилларимиз учун мўлжалланган сифатли кийим-кечаклар, пардоз, косметика, парфюмерия маҳсулотларини ўз ичига олган. Энг нуфузли компания ва фирмаларнинг бренд маҳсулотлари учинчи қаватда сотилмоқда. Тўртинчи қаватда болажонлар учун ўйингоҳ ва "Good court" овқатланиш шохобчалари фаолият кўрсатишда, яқин кунларда кинотеатр ҳам ишга тушади.

— Инсоннинг қимли бўлиши ва ҳаётда ўз ўрнини топиши кўп

жиҳатдан оиладаги муҳитга ҳам боғлиқ, — дейди Акбархон Насритдинхўжаев. — Яратганга шукрлар бўлсин, яхши оилада таълим-тарбия олиб, катта бўлдим. Болалигимдан отам Анвар ака, онам Нигора опа менга доимо яхши ўқиш, солиҳ фарзанд бўлиш билан бирга оилага, Ватанга муҳаббат ҳамда садоқатли бўлиш учун керакли билим ва тажрибаларини ҳам ўргатдилар. Тўғри йўл тараққиёти, доимо дуолари ва ширин сўзлари билан бизларни тарбиялаб, вояга етказишди. Доимо Яратгандан сўрайман, умрлари узок, тан-жонлари соғ-саломат бўлиб, роҳатларимизни кўриб юришсин. Ўзбекистон аталмиш она заминимиз узра тинчлик-хотиржамлик, фаровонлик, ободлик бўлсин. Биз ёшлар юрт тараққиёти, Ватан фаровонлиги йулида доимо ҳаракатлардан, янгиликлар яратишдан чарчамасдан юрайлик.

Изланишларим бугунги кунда ўзининг самарасини бермоқда. Тошкент шаҳар ҳокимлигининг эътирофига сазовор бўлибман, пойтахтимизнинг 2022 йилдаги ижтимоий-иқтисодий ривожланишига қўшган ҳиссам, камтарона меҳнатим учун фахрий ёрлик билан тақдирлашди. Бу ютуқ барча оила аъзоларимизга катта қувонч, байрамона кайфият улашди. Келгусида ҳалол меҳнатим билан Президентимиз тадбиркорларга билдираётган ишонччи оқламоқчиман. Меҳрибон ота-онам, опам ва акам доимо ёнимда, уларнинг қўллаб-қувватлашлари, дуолари билан элу юрт қорига яраётганимиздан мамнунман.

Ойгул РАЗЗОҚОВА,
журналист.



МУАССИС:



O'ZBEKISTON
XALQ DEMOKRATIK
PARTIYASI
MARKAZIY KENGASHI

O'zbekiston ovozi

ТАХРИР НАҲҲАТИ:

Ulug'bek INOVATOV Muslihidin MUHIDDINOV
Ulug'bek VAFOYEV Hayotxon ORTIQBOYEVA
Maqsuda VORISOVA Shuhrat ISLOMOV
Qalandar ABDURAHMONOV Toshtemir XUDYOQULOV
Guliston ANNAQILICHEVA

Бoш муҳаррир: То'лиқ ТO'РАХОНОВ

МАНЗИЛИМИЗ: 100135, Toshkent, Bunyodkor shoh ko'chasi, 50 «А»-уй.

Телефонлар: (71) 276-10-91, (71) 276-20-67,

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi.

Korxonа manzili: Buyuk Turon ko'chasi, 41-uy.

Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV
Sahifalovchi: Bekzod ABDUNAZAROV

Г — 141. 2250 nusxada bosildi.

Nashr ko'rsatkichi — 220.

t — Tijorat materiallari

O'za yakuni —

Topshirilgan vaqti — 20:45

1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.